

ՀԵՌՈՒՍՏԱՏԵՍԻԼԷՆ

Յանուն Հայաստանեայց Եկեղեցու ողջունում եմ ձեզ եւ բոլորիդ բերում իմ օրհնութիւնը Սուրբ Էջմիածնից:

Մանրօրէն մտահոգուած եմ նաեւ ես եւ բաժանում եմ իմ ժողովրդի յուզումը Լեւոնային Ղարաբաղի մարզը Սովետական Հայաստանին միացուելու հարցի կազակցութեամբ:

Ես գտնում եմ այդ առաջադրանքը բնական եւ օրինական ու սահմանադրական, որով հաւատում եմ, թէ մեր օրերի վերակառուցման եւ դեմոկրատիայի ոգով, Սովետական Միութեան բարձր իշխանութիւնները ամենայն կարելորութեամբ կը յանգնեն մի արդար ու անկողմնակալ որոշման:

Այս օրերս ես բազմաթիւ հեռագրեր ու հեռախօսներ եմ ստանում նաեւ արտասահմանի մեր եկեղեցական եւ մշակութային կազմակերպութիւններից, որոնք սփիւռքի աւելի բան երկու միլիոն հայութեան անունից խնդրում են իմ միջնորդութիւնը Սովետական Միութեան բարձր ղեկավարութեան առաջ, որպէսզի արդարացի յուժում ստանայ Հայկական Ղարաբաղի հարցը, համաձայն Սովետական Միութեան սահմանադրութեան, համաձայն Ղարաբաղի ժողովրդական ղեկավարատների սովետի որոշման եւ համաձայն դեմոկրատիայի սկզբունքների:

Ընթացք տալով այս նիւմումներին, ես արդէն իսկ մի քովանդակալից հեռագիր եմ ուղարկել մեր երկրի առաջին ղեկավար՝ մեծայարգ Տիար Միխայիլ Կորպաչեւին, խնդրելով նրա վճռական նպատակ յօգուտ Ղարաբաղի հայ ազգաբնակչութեան սպասմանը:

Հայ ժողովուրդը ինչպէս Հայաստանում, այնպէս էլ արտասահմանում միշտ հաւատարմօրէն կանգնած է Սովետական Միութեան ազգութիւնների եղբայրութեան եւ ռուս ժողովրդի հանդէպ պատմականօրէն նուիրագործուած անխախտ բարեկամութեան հիմքերի վրայ, իր հոգու հայեացքը ուղղելով դէպի մեր երկրի բարձր իշխանու-

թիւնները լաւատես ապրումներով, մանաւանդ որ յայտնի է ձեզ բոլորիդ մեր վերին իշխանութեան հաւատարմութիւնը, թէ շատ մօտ ապագայում, Մոսկուայում բարձր մակարդակի վրայ պէտք է զուամբողջ յատուկ նիստ բնակարկելու եւ օրինաւոր լուծում տալու Հայկական Ղարաբաղի հարցին Սովետական Միութեան մէջ ազգութիւնների ինքնորոշման իրաւունքների հիման վրայ:

Հարազատներ մեր, ես այս օրերին զնահատել եմ ձեր յուզումը եւ համաժողովրդական արտայայտութիւնները: Արդէն ամէն ինչ ասուած է եւ այժմ անհրաժեշտ է, որ լաւատեսութեամբ եւ յարգանքով մեր հայրենի պետական բարձր իշխանութեանց հանդէպ, մեզ խաղաղ ու կարգապահ, լծուած ձեր ամէնօրեայ աշխատանքներին եւ սպասել առաջադրուած հարցերի լուծման, պահպանելով մեր հաւատարակութիւնն ու ողջմտութիւնը, նոյն ինքը յօգուտ հարցերի քարոզ լուծման: Նման տագնապալի պահերին անհրաժեշտ է ցուցաբերել հայ ատրպէյնեանական ժողովուրդների եղբայրութեան երամայականը, որպէսզի կանխուեն ազգամիջեան ցաւալի մնախորժութիւնները Հայաստանում եւ թէ Ատրպէյնանում: Վստահ եղէ՛ք այս է պատգամը նաեւ սփիւռքի մեր հայ եղբայրների ու լոյրերի ուղղուած ձեզ:

Այլապէս արդար գործի յաջող ընթացքը կարող է խանգարուել եւ չնախատեսուած բարդութիւնների առաջ կանգնեցնել մեզ: Մեր բոլորիս նպատակը պէտք է լինի ոչ թէ ձախողեցնել, այլ յաջողութեամբ պսակել արդարութիւնը:

Մեր հայրենիքի ու ազգի առաջ պատասխանատուութեան խոր գզացումով, իբրեւ Հայրապետ Ամենայն Հայոց, ես կոչ եմ անում ձեզ բոլորիդ Սուրբ Աւետարանի պատգամով՝ «Խաղաղութիւն Հեռուորաց, Խաղաղութիւն Մերձուորաց, Նաղարութիւն Ամենեցուն»: Ամէն: